

মোবাইল কোর্ট আইন, ২০০৯

সূচী

ধারাসমূহ

- ০১। সংক্ষিপ্ত শিরোনাম, প্রবর্তন ও প্রয়োগ
- ০২। সংজ্ঞা
- ০৩। আইনের প্রাধান্য
- ০৪। মোবাইল কোর্ট
- ০৫। মোবাইল কোর্ট পরিচালনার ক্ষমতা অর্পণ
- ০৬। মোবাইল কোর্টের ক্ষমতা
- ০৭। মোবাইল কোর্টের পরিচালনা পদ্ধতি
- ০৮। দণ্ড আরোপের সীমাবদ্ধতা
- ০৯। অর্থদণ্ড আদায় সম্পর্কিত বিধান
- ১০। দোবারা বিচার ও শাস্তি নিষেধ
- ১১। ডিস্ট্রিক্ট ম্যাজিস্ট্রেট কর্তৃক ক্ষমতা প্রয়োগ
- ১২। মোবাইল কোর্ট পরিচালনার ক্ষেত্রে পুলিশ, আইন শৃঙ্খলা রক্ষাকারী বাহিনী বা সংশ্লিষ্ট সরকারী কোন সংস্থা বা প্রতিষ্ঠানের সহায়তা প্রদানের বাধ্যবাধকতা
- ১৩। আপীল
- ১৪। সরল বিশ্বাসে কৃত কার্য রক্ষণ
- ১৫। তফসিল সংশোধনের ক্ষমতা
- ১৬। বিধি প্রণয়নের ক্ষমতা
- ১৭। রহিতকরণ ও হেফাজত

তফসিল

মোবাইল কোর্ট আইন, ২০০৯

২০০৯ সনের ৫৯ নং আইন

[৬ অক্টোবর, ২০০৯]

আইন শৃঙ্খলা রক্ষা এবং অপরাধ প্রতিরোধ কার্যক্রমকে কার্যকর ও অধিকতর দক্ষতার সহিত সম্পাদন করিবার জন্য মোবাইল কোর্ট পরিচালনার উদ্দেশ্যে প্রয়োজনীয় বিধান করিবার লক্ষ্যে প্রণীত আইন।

যেহেতু জনস্বার্থে, আইন শৃঙ্খলা রক্ষা এবং অপরাধ প্রতিরোধ কার্যক্রমকে কার্যকর ও অধিকতর দক্ষতার সহিত সম্পাদন করিবার জন্য এক্সিকিউটিভ ম্যাজিস্ট্রেটকে কতিপয় অপরাধ তাৎক্ষণিকভাবে ঘটনাস্থলে আমলে গ্রহণ করিয়া দণ্ড আরোপের সীমিত ক্ষমতা অর্পণ করিয়া মোবাইল কোর্ট পরিচালনার লক্ষ্যে বিধান করা সমীচীন ও প্রয়োজনীয়;

সেহেতু এতদ্বারা নিম্নরূপ আইন করা হইল :-

সংক্ষিপ্ত শিরোনাম,
প্রবর্তন ও প্রয়োগ

১। (১) এই আইন মোবাইল কোর্ট আইন, ২০০৯ নামে অভিহিত হইবে।

(২) ইহা অবিলম্বে কার্যকর হইবে।

(৩) সমগ্র বাংলাদেশে ইহার প্রয়োগ হইবে।

সংজ্ঞা

২। বিষয় বা প্রসঙ্গের পরিপন্থী কোন কিছু না থাকিলে, এই আইনে -

- (১) “অতিরিক্ত দায়রা জজ” অর্থ ফৌজদারী কার্যবিধিতে উল্লিখিত অতিরিক্ত দায়রা জজ; এবং মেট্রোপলিটন এলাকার অতিরিক্ত দায়রা জজও উহার অন্তর্ভুক্ত হইবে;
- (২) “এক্সিকিউটিভ ম্যাজিস্ট্রেট” অর্থ ফৌজদারী কার্যবিধিতে উল্লিখিত এক্সিকিউটিভ ম্যাজিস্ট্রেট;
- (৩) “জুডিসিয়াল ম্যাজিস্ট্রেট” অর্থ ফৌজদারী কার্যবিধিতে উল্লিখিত জুডিসিয়াল ম্যাজিস্ট্রেট;
- (৪) “ডিস্ট্রিক্ট ম্যাজিস্ট্রেট” অর্থ ফৌজদারী কার্যবিধিতে উল্লিখিত ডিস্ট্রিক্ট ম্যাজিস্ট্রেট; এবং অতিরিক্ত ডিস্ট্রিক্ট ম্যাজিস্ট্রেটও উহার অন্তর্ভুক্ত হইবেন;
- (৫) “তফসিল” অর্থ এই আইনের তফসিল;
- (৬) “দায়রা জজ” অর্থ ফৌজদারী কার্যবিধিতে উল্লিখিত দায়রা জজ; এবং মেট্রোপলিটন এলাকার দায়রা জজও উহার অন্তর্ভুক্ত হইবে;
- (৭) “ফৌজদারী কার্যবিধি” অর্থ Code of Criminal Procedure, 1898 (Act V of 1898);

- (৮) “মেট্রোপলিটন ম্যাজিস্ট্রেট” অর্থ ফৌজদারী কার্যবিধিতে উল্লিখিত মেট্রোপলিটন ম্যাজিস্ট্রেট;
- (৯) “মেট্রোপলিটন এলাকা” অর্থ কোন আইনের অধীন ঘোষিত মেট্রোপলিটন এলাকা;
- (১০) “মোবাইল কোর্ট” অর্থ ধারা ৪ এ উল্লিখিত মোবাইল কোর্ট।

৩। আপাততঃ বলবৎ অন্য কোন আইনে ভিন্নতর যাহা কিছুই থাকুক না কেন, এই আইনের বিধানাবলী কার্যকর হইবে।

আইনের প্রাধান্য

৪। আইন শৃঙ্খলা রক্ষা এবং অপরাধ প্রতিরোধ কার্যক্রমকে দক্ষতার সহিত সম্পাদন করিবার স্বার্থে আবশ্যিক ক্ষেত্রে কতিপয় অপরাধ তাৎক্ষণিকভাবে ঘটনাস্থলে আমলে গ্রহণ করিয়া দণ্ড আরোপের সীমিত ক্ষমতা প্রয়োগের উদ্দেশ্যে সমগ্র দেশে কিংবা যে কোন জেলা বা মেট্রোপলিটন এলাকায় ভ্রাম্যমাণ কার্যক্রম পরিচালিত হইবে যাহা “মোবাইল কোর্ট” নামে অভিহিত হইবে।

মোবাইল কোর্ট

৫। সরকার সমগ্র দেশে কিংবা যে কোন জেলা বা মেট্রোপলিটন এলাকায় যে কোন এক্সিকিউটিভ ম্যাজিস্ট্রেটকে, এবং ডিস্ট্রিক্ট ম্যাজিস্ট্রেট তাহার আঞ্চলিক অধিক্ষেত্রে যে কোন এক্সিকিউটিভ ম্যাজিস্ট্রেটকে, আইন শৃঙ্খলা রক্ষা এবং অপরাধ প্রতিরোধ কার্যক্রম সম্পাদনের উদ্দেশ্যে লিখিত আদেশ দ্বারা মোবাইল কোর্ট পরিচালনা করিবার ক্ষমতা অর্পণ করিতে পারিবে।

মোবাইল কোর্ট
পরিচালনার ক্ষমতা
অর্পণ

৬। (১) ধারা ৫ এর অধীন ক্ষমতাপ্রাপ্ত এক্সিকিউটিভ ম্যাজিস্ট্রেট বা ধারা ১১ এর অধীন ক্ষমতাপ্রাপ্ত ডিস্ট্রিক্ট ম্যাজিস্ট্রেট আইন শৃঙ্খলা রক্ষা ও অপরাধ প্রতিরোধ কার্যক্রম পরিচালনা করিবার সময় তফসিলে বর্ণিত আইনের অধীন কোন অপরাধ, যাহা কেবল জুডিসিয়াল ম্যাজিস্ট্রেট বা মেট্রোপলিটন ম্যাজিস্ট্রেট কর্তৃক বিচার্য, তাহার সম্মুখে সংঘটিত বা উদ্ঘাটিত হইয়া থাকিলে তিনি উক্ত অপরাধ তাৎক্ষণিকভাবে ঘটনাস্থলেই আমলে গ্রহণ করিয়া অভিযুক্ত ব্যক্তিকে, স্বীকারোক্তির ভিত্তিতে, দোষী সাব্যস্ত করিয়া এই আইনের নির্ধারিত দণ্ড আরোপ করিতে পারিবেন।

মোবাইল কোর্টের
ক্ষমতা

(২) তফসিলে বর্ণিত কোন আইনের অধীন প্রণীত বিধি, প্রবিধি বা আদেশের অধীন কোন অপরাধ উক্ত আইনের অধীন অপরাধ বলিয়া গণ্য হইবে।

(৩) তফসিলে বর্ণিত কোন আইনের অধীন কোন অপরাধ কোন আদালত বা ট্রাইব্যুনাল কর্তৃক বিচার্য হইবে তাহা উক্ত আইনে নির্ধারণ করা না থাকিলে, ফৌজদারী কার্যবিধির ধারা ২৯ এর সংশ্লিষ্ট দ্বিতীয় তফসিলের অষ্টম কলাম অনুযায়ী নির্ধারিত আদালত কর্তৃক উক্ত অপরাধ বিচার্য বলিয়া গণ্য হইবে এবং যদি অনুরূপ কোন অপরাধ বিচার করিবার এখতিয়ার মেট্রোপলিটন ম্যাজিস্ট্রেট এবং প্রথম, দ্বিতীয় বা তৃতীয় শ্রেণীর জুডিসিয়াল ম্যাজিস্ট্রেটের না থাকে, তাহা হইলে উক্ত অপরাধ, তফসিলে বর্ণিত আইনের অধীন অপরাধ হওয়া সত্ত্বেও, এই আইনের অধীন আমলে গ্রহণ করিয়া দণ্ড আরোপ করিবার এখতিয়ার এই আইনের অধীন মোবাইল কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেটের থাকিবে না।

(৪) মোবাইল কোর্ট পরিচালনা করিবার সময় যদি অনুরূপ কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেটের নিকট এইরূপ মনে হয় যে, অপরাধ স্বীকারকারী ব্যক্তির সংশ্লিষ্ট অপরাধ এমন গুরুতর যে, এই অধ্যাদেশের অধীন নির্ধারিত দণ্ড আরোপ করা হইলে উহা যথোপযুক্ত দণ্ডারোপ হইবে না, তাহা হইলে তিনি উক্ত ব্যক্তিকে দণ্ড আরোপ না করিয়া তাহার বিরুদ্ধে নিয়মিত মামলা দায়েরের ব্যবস্থা করিবেন।

(৫) মোবাইল কোর্ট পরিচালনা করিবার সময় যদি এইরূপ কোন অপরাধ এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেটের এর সম্মুখে সংঘটিত বা উদ্ঘাটিত হয়, যাহা সেশন আদালত কিংবা অন্য কোন উচ্চতর বা বিশেষ আদালত বা ট্রাইব্যুনাল কর্তৃক বিচার্য, তাহা হইলে মোবাইল কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেট উক্ত অপরাধের সহিত সংশ্লিষ্ট ব্যক্তির বিরুদ্ধে অভিযোগ এজাহার হিসাবে গণ্য করিবার জন্য সংশ্লিষ্ট থানার ভারপ্রাপ্ত কর্মকর্তাকে নির্দেশ প্রদান করিবেন।

মোবাইল কোর্টের
পরিচালনা পদ্ধতি

৭। (১) এই আইনের অধীন মোবাইল কোর্ট পরিচালনা করিবার সময় কোন ব্যক্তির বিরুদ্ধে অপরাধ আমলে গৃহীত হইবার পরপরই মোবাইল কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেট সংক্ষিপ্ত অভিযোগ লিখিতভাবে গঠন করিয়া উহা অভিযুক্ত ব্যক্তিকে পাঠ ও ব্যাখ্যা করিয়া শুনাইবেন এবং অভিযুক্ত ব্যক্তি গঠিত অভিযোগ স্বীকার করেন কি না তাহা জানিতে চাহিবেন এবং স্বীকার না করিলে তিনি কেন স্বীকার করেন না উহার বিস্তারিত ব্যাখ্যা জানিতে চাহিবেন।

(২) অভিযুক্ত ব্যক্তি অভিযোগ স্বীকার করিলে তাহার স্বীকারোক্তি লিপিবদ্ধ করিয়া উহাতে অভিযুক্তের স্বাক্ষর বা, ক্ষেত্রমত, টিপসই এবং দুইজন উপস্থিত স্বাক্ষরী স্বাক্ষর বা ক্ষেত্রমত, টিপসই গ্রহণ করিতে হইবে; এবং অতঃপর মোবাইল কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেট তাহার বিবেচনায় যথোপযুক্ত দণ্ড আরোপ করিয়া লিখিত আদেশ প্রদান করিবেন এবং উক্ত আদেশে স্বাক্ষর করিবেন।

(৩) অভিযোগ অস্বীকার করিয়া আত্মপক্ষ সমর্থনে অভিযুক্ত ব্যক্তি কর্তৃক প্রদত্ত ব্যাখ্যা সন্তোষজনক হইলে, মোবাইল কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেট তাহাকে অভিযোগ হইতে অব্যাহতি প্রদান করিবেন।

(৪) অভিযুক্ত ব্যক্তি কর্তৃক উপ-ধারা (৩) এর অধীন প্রদত্ত ব্যাখ্যা সন্তোষজনক না হইলে মোবাইল কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেট অভিযোগটি বিচারার্থে উপযুক্ত এখতিয়ার সম্পন্ন আদালতে প্রেরণ করিবেন।

দণ্ড আরোপের
সীমাবদ্ধতা

৮। (১) এই আইনের অধীন মোবাইল কোর্ট পরিচালনা করিয়া দণ্ড আরোপ করিবার ক্ষেত্রে, সংশ্লিষ্ট অপরাধের জন্য সংশ্লিষ্ট আইনে যে দণ্ডই নির্ধারিত থাকুক না কেন, দুই বছরের অধিক কারাদণ্ড এই আইনের অধীন আরোপ করা যাইবে না।

(২) সংশ্লিষ্ট অপরাধের জন্য সংশ্লিষ্ট আইনে যে অর্থদণ্ড নির্ধারিত রহিয়াছে উক্ত অর্থদণ্ড বা অর্থদণ্ডের নির্ধারিত সীমার মধ্যে যে কোন পরিমাণ অর্থদণ্ড আরোপ করা যাইবে।

(৩) ফৌজদারী কার্যবিধির অধীন যে পদ্ধতিতে অর্ধদণ্ড ও কারাদণ্ড আদায়যোগ্য বা আরোপণীয় হইয়া থাকে, এই আইনের অধীন অর্ধদণ্ড ও কারাদণ্ড অনুরূপ পদ্ধতিতে আদায়যোগ্য ও আরোপণীয় হইবে।

৯। (১) এই আইনের অধীন কোন অভিযুক্তকে ঘটনাস্থলে দোষী সাব্যস্ত করিয়া কেবল অর্ধদণ্ড আরোপ করা হইলে উক্ত অর্ধদণ্ডের নির্ধারিত টাকা তাৎক্ষণিকভাবে আদায়যোগ্য হইবে।

(২) আরোপিত অর্ধদণ্ড তাৎক্ষণিকভাবে আদায় করা না হইলে অনাদায়ে আরোপিত কারাদণ্ড তাৎক্ষণিকভাবে কার্যকর হইবে।

(৩) অর্ধদণ্ড তাৎক্ষণিকভাবে আদায় করিতে ব্যর্থতার কারণে আরোপণীয় বিনাশ্রম কারাদণ্ড তিন মাসের অধিক হইবে না।

(৪) কারাদণ্ড ভোগ করিবার সময় অভিযুক্তের পক্ষে অর্ধদণ্ডের সমুদয় অর্থ আদায় করা হইলে অভিযুক্ত কারাবাস হইতে তাৎক্ষণিকভাবে মুক্তিলাভ করিবেন।

(৫) এই ধারার অধীন অর্ধদণ্ড আদায় করিতে ব্যর্থতার কারণে আরোপিত কারাদণ্ড আংশিক বা সম্পূর্ণ ভোগ করিবার কারণে অর্ধদণ্ডের সংশ্লিষ্ট অর্থ আদায় অযোগ্য হইবে না; এবং এই ক্ষেত্রে The Penal Code, 1860 এর ধারা ৬৪ হইতে ৭০ এর বিধানাবলী যথানিয়ম প্রযোজ্য হইবে।

১০। এই আইনের অধীন দণ্ডপ্রাপ্ত কোন ব্যক্তিকে একই অপরাধে পুনর্বার বিচার করা কিংবা দণ্ড আরোপ করা যাইবে না এবং অনুরূপ ক্ষেত্রে ফৌজদারী কার্যবিধির ধারা ৪০৩ এর বিধান প্রযোজ্য হইবে:

তবে শর্ত থাকে যে, ধারা ৭ এর উপ-ধারা (৩) এর অধীন অভিযোগ হইতে অব্যাহতিপ্রাপ্ত ব্যক্তি ফৌজদারী কার্যবিধির ধারা ৪০৩ এর অর্থে নির্দোষ সাব্যস্ত (acquitted) বলিয়া গণ্য হইবেন না।

১১। ডিস্ট্রিক্ট ম্যাজিস্ট্রেটগণের তাহাদের স্ব স্ব আঞ্চলিক অধিক্ষেত্রে এই আইনের অধীন মোবাইল কোর্ট পরিচালনা করিয়া দণ্ড আরোপের ক্ষমতা থাকিবে।

১২। (১) এই আইনের অধীন মোবাইল কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেট পুলিশ বাহিনী, আইন শৃঙ্খলা রক্ষাকারী বাহিনী বা সংশ্লিষ্ট সরকারী কোন সংস্থা বা প্রতিষ্ঠানের সহায়তা চাহিলে পুলিশ বাহিনী, আইন শৃঙ্খলা রক্ষাকারী বাহিনী বা সংশ্লিষ্ট সরকারী কোন সংস্থা বা প্রতিষ্ঠান অনুরূপ সহায়তা প্রদান করিবে।

(২) মোবাইল কোর্ট পরিচালনার ক্ষেত্রে, উক্ত মোবাইল কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেট এর সংশ্লিষ্ট অপরাধ সংশ্লেষে তল্লাশি (search), জব্দ (seizure) এবং প্রয়োজনে জব্দকৃত বস্তু বিলিবন্দেজ (disposal) করিবার ক্ষমতা থাকিবে।

অর্ধদণ্ড আদায়
সম্পর্কিত বিধান

দোবারা বিচার ও
শাস্তি নিষেধ

ডিস্ট্রিক্ট ম্যাজিস্ট্রেট
কর্তৃক ক্ষমতা
প্রয়োগ

মোবাইল কোর্ট
পরিচালনার ক্ষেত্রে
পুলিশ, আইন
শৃঙ্খলা রক্ষাকারী
বাহিনী বা সংশ্লিষ্ট
সরকারী কোন
সংস্থা বা
প্রতিষ্ঠানের সহায়তা
প্রদানের
বাধ্যবাধকতা

(৩) উপ-ধারা (২) এর অধীন ক্ষমতা প্রয়োগের ক্ষেত্রে ফৌজদারী কার্যবিধির সংশ্লিষ্ট বিধান, যতদূর সম্ভব, অনুসরণ করিতে হইবে।

আপীল

১৩। (১) এই আইনের অধীন আরোপিত দণ্ড দ্বারা সংক্ষুব্ধ ব্যক্তি, সংশ্লিষ্ট আঞ্চলিক অধিক্ষেত্রের ডিস্ট্রিক্ট ম্যাজিস্ট্রেট এর নিকট আপীল দায়ের করিতে পারিবেন।

(২) ডিস্ট্রিক্ট ম্যাজিস্ট্রেট নিজে উক্ত আপীল শুনানী ও নিষ্পত্তি করিবেন অথবা তাঁহার অধীনস্থ যে কোন অতিরিক্ত ডিস্ট্রিক্ট ম্যাজিস্ট্রেট এর নিকট উহা শুনানী ও নিষ্পত্তির জন্য প্রেরণ করিতে পারিবেন।

(৩) ডিস্ট্রিক্ট ম্যাজিস্ট্রেট কিংবা অতিরিক্ত ডিস্ট্রিক্ট ম্যাজিস্ট্রেট কর্তৃক প্রদত্ত দণ্ডদেশের বিরুদ্ধে আপীল সংশ্লিষ্ট অধিক্ষেত্রের দায়রা জজের নিকট দায়ের করিতে হইবে, এবং দায়রা জজ নিজে উক্ত আপীল শুনানী ও নিষ্পত্তি করিবেন কিংবা কোন অতিরিক্ত দায়রা জজের নিকট উক্ত আপীল শুনানী ও নিষ্পত্তির জন্য প্রেরণ করিবেন।

(৪) এই ধারার অধীন আপীল নিষ্পত্তির ক্ষেত্রে ফৌজদারী কার্যবিধির অধ্যায় ৩১ এর বিধানাবলী যতদূর সম্ভব প্রয়োজনীয় অভিযোজনসহকারে প্রযোজ্য হইবে।

(৫) এই ধারার অধীন দায়েরকৃত আপীল ফৌজদারী কার্যবিধির কেবল ধারা ৪১২ এর নির্ধারিত পরিসরে সীমিত থাকিবে।

সরল বিশ্বাসে কৃত
কার্য রক্ষণ

১৪। এই আইন বা তদধীন প্রণীত বিধির অধীন সরল বিশ্বাসে কৃত, বা কৃত বলিয়া বিবেচিত, কোন কার্যের জন্য কোন ব্যক্তি ক্ষতিগ্রস্ত হইলে তিনি মোবাইল কোর্ট পরিচালনাকারী এক্সিকিউটিভ ম্যাজিস্ট্রেট বা ডিস্ট্রিক্ট ম্যাজিস্ট্রেট বা মোবাইল কোর্ট পরিচালনার সহিত সংশ্লিষ্ট অন্য কোন কর্মকর্তা বা কর্মচারীর বিরুদ্ধে কোন দেওয়ানী বা ফৌজদারী মামলা বা অন্য কোন প্রকার আইনগত কার্যধারা রুজু করিতে পারিবেন না।

তফসিল
সংশোধনের ক্ষমতা

১৫। সরকার, সরকারি গেজেটে প্রজ্ঞাপন দ্বারা, তফসিল সংশোধন করিতে পারিবে।

বিধি প্রণয়নের
ক্ষমতা

১৬। সরকার, এই আইনের উদ্দেশ্য পূরণকল্পে, সরকারি গেজেটে প্রজ্ঞাপন দ্বারা বিধি প্রণয়ন করিতে পারিবে।

রহিতকরণ ও
হেফাজত

১৭। (১) মোবাইল কোর্ট অধ্যাদেশ, ২০০৯ (২০০৯ সনের ৬ নং অধ্যাদেশ) এতদ্বারা রহিত করা হইল।

(২) অনুরূপ রহিতকরণ সত্ত্বেও, রহিত অধ্যাদেশের এর অধীন কৃত কোন কাজ কর্ম, গৃহীত কোন ব্যবস্থা বা কার্যধারা এই আইনের অধীন কৃত বা গৃহীত হইয়াছে বলিয়া গণ্য হইবে।

তফসিল

ধারা ৬ দ্রষ্টব্য

- (1) Penal Code, 1860 (Act No. XLV of 1860) এর sections 143, 144, 145, 147, 148, 152, 153, 160, 171E, 171F, 171G, 171H, 171I, 183, 184, 185, 186, 187, 188, 189, 225, 264, 265, 266, 267, 269, 270, 271, 272, 273, 274, 275, 276, 290, 291, 292, 293, 294, 295, 296, 297, 298, 352, 353, 354, 355, 356, 357, 358;
- (2) Public Gambling Act, 1867 (Act No. II of 1867);
- (3) Sarais Act, 1867 (Act No. XXII of 1867);
- (4) Touts Act, 1879 (Act No XVIII of 1879);
- (5) Ferries Act, 1885 (Act No. I of 1885);
- (6) Railways Act, 1890 (Act No. IX of 1890);
- (7) Ports Act, 1908 (Act No. XV of 1908);
- (8) Electricity Act, 1910 (Act No. IX of 1910);
- (9) Cinematograph Act, 1918 (Act No. II of 1918);
- (10) Juvenile Smoking Act, 1919 (Act No. II of 1919);
- (11) Poisons Act, 1919 (Act No. XII of 1919);
- (12) Cruelty to Animals Act, 1920 (Act No. I of 1920);
- (13) Passport Act, 1920 (Act No. XXXIV of 1920);
- (14) Cantonments Act, 1924 (Act No. II of 1924);
- (15) Highways Act, 1925 (Act No. III of 1925);
- (16) Forest Act, 1927 (Act No. XVI of 1927);
- (17) Child Marriage Restraint Act, 1929 (Act No. XVIII of 1929);
- (18) ¹[***]
- (19) Places of Public Amusement Act, 1933 (Bengal Act No. X of 1933);
- (20) Petroleum Act, 1934 (Act No XXX of 1934);
- (21) Criminal Law (Industrial Areas) Amendment Act, 1942 (Act No. IV of 1942);
- (22) ²[***]
- (23) Protection of Ports (Special Measures) Act, 1948 (Act No. XVII of 1948);
- (24) Protection and Conservation of Fish Act, 1950 (East Bengal Act No. XVIII of 1950);
- (25) Control of Entry Act, 1952 (Act No. LV of 1952);
- (26) Building Construction Act, 1952 (West Bengal Act No. II of 1952);

¹ ক্রমিক নং (১৮) এর বিপরীতে উল্লিখিত এন্ট্রি এস, আর, ও নং ২৭৪-আইন/২০১১, তারিখ: ২৫ আগস্ট, ২০১১ দ্বারা বিলুপ্ত।

² ক্রমিক নং (২২) এর বিপরীতে উল্লিখিত এন্ট্রি এস, আর, ও নং ১৬৪-আইন/২০১৫ তারিখ: ১৫ জুন, ২০১৫ দ্বারা বিলুপ্ত।

- (27) Control of Essential Commodities Act, 1956 (East Pakistan Act No. I of 1956);
- (28) ^১[পশু জবাই ও মাংসের মান নিয়ন্ত্রণ আইন, ২০১১ (২০১১ সনের ১৬ নং আইন)];
- (29) Pure Food Ordinance, 1959 (East Pakistan Ordinance No. LXVIII of 1959);
- (30) Civil Aviation Ordinance, 1960 (Ordinance No. XXXII of 1960);
- (31) Port Authorities Lands and Buildings (Recovery of Possession) Ordinance, 1962 (Ordinance No. IX of 1962);
- (32) Censorship of Films Act, 1963 (Act No. XVIII of 1963);
- (33) Agricultural Produce Markets Regulation Act, 1964 (East Pakistan Act No. IX of 1964);
- (34) Pilotage Ordinance, 1969 (Ordinance No. V of 1969);
- (35) The Government and Local Authority Lands and Building (Recovery of Possession) Ordinance, 1970 (East Pakistan Ordinance No. XVIII of 1970);
- (36) Pesticides Ordinance, 1971 (Ordinance No. II of 1971);
- (37) ^২[***]
- (38) Representation of the People Order, 1972 (P.O. No. 155 of 1972);
- (39) Printing Presses and Publications (Declaration and Registration) Act, 1973 (Act No. XXIII of 1973);
- (40) Bangladesh Wild Life (Preservation) Order, 1973 (President's Order No. 23 of 1973);
- (41) Territorial Waters and Maritime Zones Act, 1974 (Act No. XXVI of 1974);
- (42) Chittagong Port Authority Ordinance, 1976 (Ordinance No. LII of 1976);
- (43) Mongla Port Authority Ordinance, 1976 (Ordinance No. LIII of 1976);
- (44) Inland Shipping Ordinance, 1976 (Ordinance No. LXXII of 1976);
- (45) ^৩[***]
- (46) Seeds Ordinance, 1977 (Ordinance No. XXXIII of 1977);
- (47) Note-Books (Prohibition) Act, 1980 (Act No. XII of 1980);
- (48) ^৪[বাংলাদেশ মেডিক্যাল ডেন্টাল কাউন্সিল আইন, ২০১০ (২০১০ সনের ৬১ নং আইন);]
- (49) Public Examinations (Offences) Act, 1980 (Act No. XLII of 1980);
- (50) Medical Practice and Private Clinics and Laboratories (Regulation) Ordinance, 1982 (Ordinance No. IV of 1982);

^১ ক্রমিক নং (২৪) এর বিপরীতে উল্লিখিত এন্ট্রি এস, আর, ও নং ২৮৭-আইন/২০১৪ এর তারিখ: ১৫ ডিসেম্বর, দ্বারা প্রতিস্থাপিত।

^২ ক্রমিক নং (৩৭) এর বিপরীতে উল্লিখিত এন্ট্রি এস, আর, ও নং ২৭৪-আইন/২০১১ এর দ্বারা বলি বিলুপ্ত।

^৩ ক্রমিক নং (৪৫) এর বিপরীতে উল্লিখিত এন্ট্রি এস, আর, ও নং ১৫৬-আইন/২০১০ এর দ্বারা বিলুপ্ত।

^৪ ক্রমিক নং (৪৮) এর বিপরীতে উল্লিখিত এন্ট্রি এস, আর ও নং ২৫২-আইন/২০১১ এর দ্বারা বলি প্রতিস্থাপিত।

- (51) ^১[Drugs Act, 1940 (Act No. XXIII of 1940) এর sections 29 ও 37];
- (52) Standards of Weights and Measures Ordinance, 1982 (Ordinance No. XII of 1982);
- (53) ^২[***]
- (54) Bangladesh Hotels and Restaurants Ordinance, 1982 (Ordinance No. LII of 1982);
- (55) Fish and Fish Products (Inspection and Quality Control) Ordinance, 1983 (Ordinance No. XX of 1983);
- (56) Bangladesh Merchants Shipping Ordinance, 1983 (Ordinance No. XXVI of 1983);
- (57) Bangladesh Uniani and Ayurvedic Practitioners Ordinance, 1983 (Ordinance No. XXXII of 1983);
- (58) ^৩[***]
- (59) Bangladesh Homeopathic Practitioners Ordinance, 1983 (Ordinance No. XLI of 1983);
- (60) Motor Vehicles Ordinance, 1983 (Ordinance No. LV of 1983);
- (61) Breast-Milk Substitutes (Regulation of Marketing) Ordinance, 1984 (Ordinance No. XXXIII of 1984);
- (62) ^৪[***]
- (63) Bangladesh Standards and Testing Institution Ordinance, 1985 (Ordinance No. XXXVII of 1985);
- (64) ^৫[***]
- (65) অস্থাবর সম্পত্তি ছকুম দখল আইন, ১৯৮৮ (১৯৮৮ সনের ২৬ নং আইন);
- (66) ইট পোড়ানো (নিয়ন্ত্রণ) আইন, ১৯৮৯ (১৯৮৯ সনের ৮ নং আইন);
- (67) আয়োডিন অভাবজনিত রোগ প্রতিরোধ আইন, ১৯৮৯ (১৯৮৯ সনের ১০ নং আইন);
- (68) মাদকদ্রব্য নিয়ন্ত্রণ আইন, ১৯৯০ (১৯৯০ সনের ২০ নং আইন);
- (69) খনি ও খনিজ সম্পদ (নিয়ন্ত্রণ ও উন্নয়ন) আইন, ১৯৯২ (১৯৯২ সনের ২৯ নং আইন);

^১ ক্রমিক নং (51) এ উল্লিখিত “Drugs Act, 1940 (Act No. XXIII of 1940) এর sections 29 ও 37” এন্ড্রি “Drugs (Control) Ordinance, 1982 (Ordinance No. 8 of 1982)” এন্ড্রি এর পরিবর্তে এস, আর, ও নং ২৫৬-আইন/২০১২ দ্বারা প্রতিস্থাপিত।

^২ ক্রমিক নং (53) এর বিপরীতে উল্লিখিত এন্ড্রি এস, আর, ও নং ১৫৬-আইন/২০১০ দ্বারা বিলুপ্ত।

^৩ ক্রমিক নং (58) এর বিপরীতে উল্লিখিত এন্ড্রি এস, আর, ও নং ১৫৬-আইন/২০১০ দ্বারা বিলুপ্ত।

^৪ ক্রমিক নং (62) এর বিপরীতে উল্লিখিত এন্ড্রি এস, আর, ও নং ১৫৬-আইন/২০১০ দ্বারা বিলুপ্ত।

^৫ ক্রমিক নং (64) এর বিপরীতে উল্লিখিত এন্ড্রি এস, আর, ও নং ১৫৬-আইন/২০১০ দ্বারা বিলুপ্ত।

- (70) বাংলাদেশ পরিবেশ সংরক্ষণ আইন, ১৯৯৫ (১৯৯৫ সনের ১নং আইন) এর ধারা ১৫ এ উল্লিখিত টেবিলের ক্রমিক নং ৩ এবং ৪ (খ);
- (71) পানি সরবরাহ ও পয়ঃনিষ্কাশন কর্তৃপক্ষ আইন, ১৯৯৬ (১৯৯৬ সনের ৬ নং আইন);
- (72) বিমান-নিরাপত্তা বিরোধী অপরাধ দমন আইন, ১৯৯৭ (১৯৯৭ সনের ১৭ নং আইন);
- (73) মানবদেহে অঙ্গ-প্রত্যঙ্গ সংযোজন আইন, ১৯৯৯ (১৯৯৯ সনের ৫ নং আইন);
- (74) §[***]
- (75) §[***]
- (76) এসিড নিয়ন্ত্রণ আইন, ২০০২ (২০০২ সনের ১ নং আইন);
- (77) নিরাপদ রক্ত পরিসঞ্চালন আইন, ২০০২ (২০০২ সনের ১২ নং আইন);
- (78) অগ্নি প্রতিরোধ ও নির্বাণ আইন, ২০০৩ (২০০৩ সনের ৭ নং আইন);
- (79) জন্ম ও মৃত্যু নিবন্ধন আইন, ২০০৪ (২০০৪ সনের ২৯ নং আইন);
- (80) ধূমপান ও তামাকজাত দ্রব্য ব্যবহার (নিয়ন্ত্রণ) আইন, ২০০৫ (২০০৫ সনের ১১ নং আইন);
- (81) সার ব্যবস্থাপনা আইন, ২০০৬ (২০০৬ সনের ৬ নং আইন);
- (82) বাংলাদেশ এ্যাক্রেডিটেশন আইন, ২০০৬ (২০০৬ সনের ২৯ নং আইন);
- (83) কেবল টেলিভিশন নেটওয়ার্ক পরিচালনা আইন, ২০০৬ (২০০৬ সনের ৩৮ নং আইন);
- (84) বাংলাদেশ শ্রম আইন, ২০০৬ (২০০৬ সনের ৪২ নং আইন);
- (85) ভোক্তা অধিকার সংরক্ষণ আইন, ২০০৯ (২০০৯ সনের ২৬ নং আইন) ^৭;
- (86) উপজেলা পরিষদ আইন, ১৯৯৮ (১৯৯৮ সনের ২৪ নং আইন);
- (87) স্থানীয় সরকার (পৌরসভা) আইন, ২০০৯ (২০০৯ সনের ৫৮ নং আইন);
- (88) স্থানীয় সরকার (সিটি কর্পোরেশন) আইন, ২০০৯ (২০০৯ সনের ৬০ নং আইন);
- (89) স্থানীয় সরকার (ইউনিয়ন পরিষদ) আইন, ২০০৯ (২০০৯ সনের ৬১ নং আইন) ^৮;
- (90) Jute Ordinance, 1962 (Ordinance No. LXXIV of 1962) ^৯;

^১ ক্রমিক নং (74) এর বিপরীতে উল্লিখিত এন্ট্রি এস, আর, ও নং ১৫৬-আইন/২০১০ দ্বারা বিলুপ্ত।

^২ ক্রমিক নং (75) এর বিপরীতে উল্লিখিত এন্ট্রি এস, আর, ও নং ১৫৬-আইন/২০১০ দ্বারা বিলুপ্ত।

^৩ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (86), (87), (88) এবং (89) এস, আর, ও নং ১৫৬-আইন/২০১০ এর দ্বারা সংযোজিত।

^৪ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (90) এস, আর, ও নং ২২৮-আইন/২০১০ এর দ্বারা সংযোজিত।

^৫ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (91) এস, আর, ও নং ৩০৪-আইন/২০১০ এর দ্বারা সংযোজিত।

- (91) Bangladesh National Anthem, Flag and Emblem Order, 1962 (President's Order No. 130 of 1972)]^১;
- (92) বাংলাদেশ গ্যাস আইন, ২০১০ (২০১০ সনের ৪০ নং আইন)]^২;
- (93) Penal Code, 1860 (Act No. XLV of 1860) এর section 509)]^৩;
- (94) “মহানগরী, বিভাগীয় শহর ও জেলা শহরের পৌর এলাকাসহ দেশের সকল পৌর এলাকার খেলার মাঠ, উন্মুক্ত স্থান, উদ্যান এবং প্রাকৃতিক জলাধার সংরক্ষণ আইন, ২০০০ (২০০০ সনের ৩৬ নং আইন);]
- (95) “রিয়েল এস্টেট উন্নয়ন ও ব্যবস্থাপনা আইন, ২০১০ (২০১০ সনের ৪৮ নং আইন)^৪;
- (96) বালুমহাল ও মাটি ব্যবস্থাপনা আইন, ২০১০ (২০১০ সনের ৬২ নং আইন)]^৫;
- (97) “দেওয়াল লিখন ও পোস্টার লাগানো (নিয়ন্ত্রণ) আইন, ২০১২” (২০১২ সনের ১নং আইন)]^৬;
- (98) বন্যপ্রাণী (সংরক্ষণ ও নিরাপত্তা) আইন, ২০১২ (২০১২ সনের ৩০ নং আইন);
- (99) দুর্ঘোষণা ব্যবস্থাপনা আইন, ২০১২ (২০১২ সনের ৩৪ নং আইন)]^৭;
- (100) পণ্য পাটজাত মোড়কের বাধ্যতামূলক ব্যবহার আইন, ২০১০ (২০১০ সনের ৫৩ নং আইন)]^৮;
- (101) বৈদেশিক কর্মসংস্থান ও অভিবাসী আইন, ২০১৩ (২০১৩ সনের ৪৮ নং আইন) এর ধারা ৩২ ও ৩৫)]^৯;
- (102) মৎস্যখাদ্য ও পশুখাদ্য আইন, ২০১০ (২০১০ সনের ২ নং আইন); এবং
- (103) মৎস্য হ্যাচারী আইন, ২০১০ (২০১০ সনের ১৪ নং আইন)।]

^১ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (92) এস, আর, ও নং ৩৫৭-আইন/২০১০ এর দ্বারা সংযোজিত।

^২ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (93) এস, আর, ও নং ৩৭৪-আইন/২০১০ এর দ্বারা সংযোজিত।

^৩ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (94) এবং (95) এস, আর, ও নং ২৮-২-আইন/২০১১ এর দ্বারা সংযোজিত।

^৪ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (96) এস, আর, ও নং ১২৪-আইন/২০১২ এর দ্বারা সংযোজিত।

^৫ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (97) এস, আর, ও নং ১২৩-আইন/২০১০ এর দ্বারা সংযোজিত।

^৬ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (98) এবং (99) এস, আর, ও নং ৭৪-আইন/২০১৩ এর দ্বারা সংযোজিত।

^৭ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (100) এস, আর, ও নং ৩৪৪-আইন/২০১৩ এর দ্বারা সংযোজিত।

^৮ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (101) এস, আর, ও নং ৭৩-আইন/২০১৪ এর দ্বারা সংযোজিত।

^৯ সেমিকোলন (;) দাঁড়ি (।) এর পরিবর্তে প্রতিস্থাপিত এবং ক্রমিক নং ও এন্ট্রি সমূহ (102) এবং (103) এস, আর, ও নং ২৮৭-আইন/২০১৪ এর দ্বারা সংযোজিত।